

<p></p>  
<p>Uzvišeni Allah je istina. Stvorio je nebesa i Zemlju na principima mudrosti, istine i pravde i zato traži od ljudi da svoj život baziraju na istini i da im ona bude glavna vodilja u životu.<br /> Dezorijentiranost i nesreća ljudi, nerijetko, proizilaze iz njihovog ignoriranja ovog jasnog principa. Ako laž okupira njihove duše i misli, to će uveliko utjecati na njihovo udaljavanje od Puta Istine i principa kojih se moraju pridržavati.<br /> Iskrenost je jedna od neophodnosti ljudskih društava uopće. Ona je temelj zgrade društva bez koje bi se sve veze u društvu pokidale. Ne može se zamisliti društvo koje međusobno ne sarađuje na principima iskrenosti.<br /> Iskrenost je ljudima prirodna osobina. U to ćemo se uvjeriti kada, primjerice, jednom djetetu priđemo o iskrenom svijetu i lažcu, ono iskazuje naklonost prema iskrenom svijetu a osuđuje lažca. <br /> S aspekta naše vjere, iskrenost se mora slijediti u svakom postupku, primjenjivati u svakoj situaciji i realizirati u svakom sudu. Iskrenost je temeljni stub u karakteru svakog muslimana i osnova njegove etike. Muslimansko društvo, ukoliko želi da postigne mir i blagostanje, trebalo bi da počiva na tom principu. Konstrukcija društva u islamu se iz tih razloga zasniva na suzbijanju neprovjerenih informacija, odbacivanju glasina i sumnji. Samo provjerene činjenice trebalo bi da budu superiorne i slijedeće. Kur'an se zgrađava nad onima koji slijede poluistine i pretpostavke, koji su okupirani raznim oblicima praznovjerna i koji su svoj život ukaljali lažnim riječima i postupcima. Hazreti A'isha, r.a., rekla je da nikakav gest Allahovom Poslaniku, s.a.v.s., nije bio odvratniji od laži. <br /> Osnovna obilježja prvih generacija muslimana bila su iskrenost u pričaju, preciznost u predodavanju i pouzdanost u govoru. Stoga su se oni jedni prema drugima na najljepši način odnosili, i to je, zapravo, bilo osnovno obilježje njihovog raspoznavanja. Svako ko se nije pridržavao tih normi ponašanja - stranio je i, kao takav, jednostavno, nije mogao opstati sve dok ne popravi svoje stanje i uklopi se u važeće tokove života.<br /> Osnovna i najvažnija odlika iskrenosti je da je ona prisutna u namjeri i nijetu. To podrazumijeva iskrenost u činjenju bilo kakvog djela. Ako je namjera da sve što čini - čini u ime Allaha, dž.š., onda je tvoje djelovanje u svakoj stvari iskreno. Kada je to tako, onda je cjelokupni život svijeta u službi Allaha i adet postaje ibadet, odnosno: sve što činiš ima formu ibadeta i dobrog djela za koje se nagrađuje.<br /> Ako studiraš da bi samo položio ispit i na kraju dobio diplomu i uposlenje, upitaj se gdje je u svemu tome Allah i nagrada od Njega. Zato budi iskren u svojoj namjeri i oplemeni svoj nijet. Uči da budeš bolji musliman, da sutra kad okončaš studij budeš od koristi muslimanima i svim ljudima, da budeš osoba koja će svojim djelovanjem svjedočiti iskrenog i korisnog člana zajednice.<br /> Ako želiš biti uspješan i bogat biznismen, zapitaj se zbog čega to želiš? Da bi uživao u svome bogatstvu i bio sretan! Budi bogat i sretan, ali tako što ćeš svojim imanjem zarađivati, uz novac, i sevape črtvujući imetak za potrebe siromašnih i općekorisnih poslova. Trudi se i zanijeti da sve što zaradiš bude u granicama halal zarade i da svojim trošenjem povećaj svoju bogobojaznost s kojom ćeš biti prepoznatljiv i cijenjen i zbog koje ćeš biti uzor drugim muslimanima. Tako će sve tvoje imanje biti stavljeno na vagu dobrih djela.<br /> Laž je opasna mahana koja govori o pokvarenosti duše svijeta, ili, bolje rečeno, o njegovom karakteru i naravi koja iz ničega proizvodi zlo i koja pribjegava grijehu bez stvarne potrebe

ili teških okolnosti. Pitali su Allahova poslanika, s.a.v.s., - Može li vjernik biti kukavica? Da! Odgovori. Može li vjernik biti krtica? Može! odgovori Poslanik. A može li biti lažac? Ne može!... odgovori. (Malik)<br /> Srazmjerno dijapazonu laži koju uvijek proiri, zarađuje se grijeh. Svakome je poznato koliko je četna izrežena laž sa govornice. Novinari koji putem medija hiljadama ljudi plasiraju neku lažnu vijest, kao i političari, ili bilo koji rukovodioci, koji daju iskrivljenu sliku o veoma značajnim pitanjima za zajednicu muslimana, zasluuju prezir i najstrožiji grijeh.<br /> Na netom održanim općim izborima u BiH, pa i na izborima unutar Islamske zajednice, moglo se primijetiti kako rodbinski, ahbabski i lični interesu zamagljuje i potiskuju opći interes. Preko tzv. kadrovskih i izbornih komisija formiraju su se izborne liste na koje ne mogu uopće dospjeti ljudi koji su znatno zaslujniji da se nađu na tim listama od ponuženih. Nažalost, u tom samoobmanjivanju i obmanjivanju glasača učestvuju ljudi od znanja i zvanja. Zar takav odnos nema primjese odvratne laži? Ako neko predlaže nekog kandidata, pri tome hvaleži ga samo zato što je njegov bližnji, prijatelj ili zbog toga što bi preko njega mogao ostvariti ličnu korist, taj je postupio suprotno imperativu našega dina koji nam zapovijeda da odgovorne službe povjeravamo onima koji su ih dostojni. Preferirati partikularni interes nad općim ravno je najgoroj laži, obmani i izdaji.</p></div>

---

2 / 2